

NEWSPAPER CLIPPING  
PERDANA LEADERSHIP FOUNDATION

UTUSAN MALAYSIA

DATE: 21/05/2008

## Saya tidak sangka Dr. M benar-benar keluar parti



ISMAIL WAN TEH

ALOR STAR 20 Mei - "Saya bukan cabar tapi hanya mengemukakan pendapat. Saya tidak sangka Tun Dr. Mahathir Mohamad akan benar-benar keluar daripada UMNO."

Itulah penjelasan Timbalan Pengerusi Badan Bertindak Warga Darul Aman, Ismail Wan Teh yang kononnya menjadi pencetus kepada keputusan bekas Perdana Menteri dan Presiden UMNO itu keluar daripada parti berkenaan semalam.

Pada forum Nasib Kedudukan Bangsa Melayu di sini semalam, beliau bertanya kepada Dr. Mahathir sama ada bekas Perdana Menteri itu berani untuk meletakkan jawatan setelah berulang kali menghentam pemimpin UMNO.

Menurut Ismail, tujuannya bertanyakan soalan

*um - 21/5/2008*  
sedemikian hanya mengingatkan Dr. Mahathir supaya bertanggung jawab atas segala kenyataan yang dikeluarkan olehnya ketika masih berada di dalam UMNO.

Bagi beliau, tindakan Dr. Mahathir yang mengeluarkan kritikan pedas kepada pemimpin UMNO seolah-olah menggambarkan beliau terlalu marah dan kecewa dengan UMNO.

"Kita tidak mahu wujudnya pemimpin yang hanya tahu bercakap tetapi tidak mahu memikul tanggung jawab dengan apa yang telah dikatakan.

"Kita tidak boleh menyuruh orang lain untuk meletakkan jawatan sedangkan kita masih berada di dalam parti tersebut," katanya ketika dihubungi di sini hari ini.